



簡錦松

43. 5. 24. 生

台灣台北人

台灣大學文學博士

現職／

中山大學副教授

作品／

「錦松詩稿」、「不會飛的蒼蠅」、

「明代文學批評研究」、「李何詩論

研究」、「築室松下」、「唐宋詩人檔

案」等。

## 雲間淨稿

古典詩組第二名 簡錦松

### 蚌埠火車站

蚌埠火車站廣場，千人萬人無喧嘩。  
候車不許入站內，廣場列隊如長蛇。  
當頭一人持牌立，倘有違者武警搥。  
四警高倨長腳椅，管束出入無殊差。  
一警攔路斥旅客：行包何不教檢查？  
定有爆炸危險品，武警同志不汝賒！  
冷風颼颼天無色，一面紅旗獨似花。  
我慚同胞新貴族，默爾無言自登車。  
乘務人員對面笑，近來車站秩序佳。

## 車上看月

一月如畫餅，或為人食餘。  
不能入林明，翻然來座隅。  
車行雖云速，此月可齊驅。  
少壯為衣食，奔走不遑居。  
俸錢過萬數，所得亦區區。  
寄語爾明月：勿以貧見疏。  
應憐羈旅人，且共片時娛。  
匡衡能說詩，謝莊氣不麤。

## 十月十五夜同諸生望月有感

乙丑初冬，與諸生同登武嶺山莊望月吟詠甚樂，時余妻亦在，未嫁也，倚樓外欄杆聽余唱柳永「寒蟬淒切」詞，今也影夢音像俱往矣，因錄之。

幾夜頻看覺漸圓，今宵乘興共嬋娟。  
飛樓併聽寒潮語，下界都成白玉氈。  
一月低昂原自好，明年歌笑與誰妍？  
倚欄不管風和露，注目蒼茫思悄然。

## 夜讀有感近事

對書渾似對賢人，燈下深談到曉晨。  
薄祿自安寧是患，青氈猶在未為貧。  
花應爭覆原生宅，火定能焚曲突薪。  
莫訝年來忙裡過，為人指點武陵津。

## 霧峰省議會

中人宿醉劇如麻，  
頭疾昏昏始下車。  
如此園林能洗眼，  
甘扶殘醉看荷花。

## 夜吟雜錄

慣聽潮水撼書聲，重上山廬已四更。涼月西窗照茵席，向人猶自肯含情。（重上）  
踏月歸來一室虛，荒雞似犬吠聲疏。今宵燈下渾多事，臥看從前小字書。（臥看）